

Dielli Ndaloj

Shënim: Fillo duke ndarë gjërat pozitive për veten dhe kishën.

Ndaj vizionin:

* Kisha _____, kisha jonë me hapin e kohës, synon _____ (sa % të njerëzve) në qytetin tonë _____.

Listo shërbesat e kishës që kanë ndikim në ungjillizim:

- 1.
- 2.
- 3.

p.sh.:

* *Qendra Xhonatan (influcë e madhe në shoqërinë shqiptare për ndërgjegjësimin e komunitetit me sindromën down).*

* *Rrjeti i Kishëmbjelljes, partner në fillimin e 33 kishave të reja për 4 vjet.*

A ndodhi gjithë ky bekim bam-bam? Sigurisht që jo! Ndodhi gradualisht, i kemi besuar Jezusit që _____ (vendos periudhën kur ke filluar të besosh)

p.sh.: *Që adoleshentë dhe jemi përfshirë në shërbesa herët, unë 20 vjeç në fshat, bashkëshortja 18 vjeç me x shërbesë. Kemi x vite martuar.*

Duam të ndajmë me ju hapin e parë kur vjen puna tek fillimi i gjërave të reja, gjërave të mëdha me Perëndinë:

Duam ta ilustrojmë me vargjet te **Jozueu 10:7-14** ku është një nga mrekullitë më të mëdha të Biblës. Nuk është shumë e dukshme. Nuk e dëgjon të predikohet shpesh në kisha, ka shumë njerëz që nuk kanë dëgjuar për të. Por është e paparë dhe do ua them përse është e tillë. Duke parë sesi Zoti ka vepruar në këtë rast, unë besoj që gjëra të tilla do të ndodhin në jetën tuaj, gjëra të mëdha, gjëra të papara, të paharrueshme dhe gjëra që janë jashtë logjikës njerëzore.

Si të fillojmë gjëra të reja? Le ta zgjerojmë pak.

Si të lutesh për gjëra të reja, të mëdha dhe si të fillosh t'i bësh ato?

Që nga fillimi kisha jonë ka qenë “Kishë me Ndalim Dielli”. Prit se do jua them se çfarë kuptimi ka kjo gjë. Megjithëse ka x vjet si kishë kemi parë herë pas here sesi Perëndia ka bërë gjëra të mëdha, gjëra që s’dinim t’i jepnim përgjigje njerëzore. Dhe po mësohemi me gjëra të tilla. Sepse besoj që Perëndia do të bëjë shumë shpesh gjëra të tilla, gjëra të mëdha në kishat e tij, gjëra të mëdha në jetët e personave të ndryshëm që vijnë në kishë. Perëndia do të bëjë gjëra të mëdha në Shqipërinë e tij. Për ta bërë më të kuptueshme po ju tregoj diçka.

Fëmijët tanë i kanë shumë qejf fishekzjarrët, nuk kanë qejf t’i mbajnë në dorë, por kanë qejf kur i shohin në dyqan dhe sidomos kur shpërthejnë në qiell. Ishim në dyqan dhe pyesnin:

- *Kjo sa herë plas, po kjo çfarë bën, po kjo e madhja sa ngjyra ka? - Ty të vjen t’u thuash:*
- *Çuna të gjitha ndizen dhe shpërthejnë në qiell. Të gjitha njëlloj janë.*

Është e njëjta gjë me kishat në Tiranë dhe Shqipëri. Kur shkon për herë të parë në një kishë të re, habitesh si puna e çunave të mi me fishekzjarrët, shiko këtë, shiko atë, sa shumë ngjyra, çfarë këngë, sa të dashur, sa të mirë janë.

Por, pas pak kohe të duket kisha jote gati njëlloj me kishat e tjera. Sa më gjatë të rrish në një kishë, gati fillon ta harrosh që kisha ka filluar dhe vazhdon të ekzistojë për shkak të pranisë së Perëndisë në atë vend dhe jo për shkak të një apo disa personave, për shkak të lëvizjes së Tij të pashpjegueshme në mes të çdo kishë.

Kështu që sot dua t’ju kërkoj që të tërhiqeni një çikë mbrapa dhe të shikoni fishekzjarrët kur shpërthejnë. Të shikosh lëvizjen e mrekullueshme të Perëndisë që po ndodh dhe, që po gatitet të ndodhë nëpër Shqipëri, për të parë sesi Zoti do të përdorë secilin prej jush.

Kështu, mos u rehatoni shumë në kishat tuaja sepse sa mbaron diçka Zoti do të sfidojë për filluar diçka tjetër të re. Në rregull, prit tani, se u shpërndava shumë më duket.

Ku e filluam? Po, tek **Jozueu 10:7-14**

Ky ishte pasazh i parë që më erdhi në mendje për të ndarë diçka, sepse në shumë mënyra përshekruan kishën tonë, jetën tonë dhe, duam që shumë prej jush ta bëni tuajën. Besoj që shumë shpejt ky pasazh do përshekruajë historinë e çdo personi këtu.

Besoj se për këtë lloj besimi, lutjesh që do ju flasim, që do ju sfidojmë ta bëni në lidhje me familjet tuaja, punën, shkollën, shëndetin, lidhjet, martesën, kishën, unë mendoj që ky lloj besimi dhe këto lloj lutjesh janë të rezervuara për secilin prej jush, çdo njeri mund ta përjetojë lëvizjen e Perëndisë në mënyrë të veçantë. Se si mund të ndodhë do e shohim nga jeta e Jozueut. Përpara se ta lexoj pasazhin dua që secili prej jush të dëgjojë me mendje dhe zemër të hapur.

Ndërkohë që dëgjon sille para Zotit. Atë që *ti po synon, nevojën që ke, qëllimin që po të nxit Perëndia për të filluar, apo arritur. Atë që ti do të lutesh, të besosh, atë që ty të duket e pamundur për t'u arritur tani.* Për disa mund të jetë puna që s'po e gjen dot. Për disa mund të jetë goca/çuni që do të kalosh jetën që s'po e gjen dot. Për disa mund të jetë pajtimi me dikë në familje.

Për dikë mund të jetë shërim emocional nga diçka e kaluar.

Për dikë mund të jetë mungesa e gëzimit në jetën e tij/saj. Synimi ynë është t'ju trazojmë mjaftueshëm që të besoni se Perëndia do që të bëjë gjëra të pamundura në jetën tuaj.

Unë nuk besoj që Jezusi na shpëtoi sa për të mbijetuar në këtë vend, por na shpëtoi që ta ndryshojmë këtë vend për lavdinë e Tij. Lutem që ky stil jete si i Jozueut do jetë një stil jete që ju do ta doni ta jetoni çdo ditë.

Ndoshta ti po mendon që të ikësh nga Shqipëria, nëse Perëndia po të drejton të ikësh, ik sa më parë, por nëse po të drejton të rri, rri këtu dhe hidh rrënjë, bëj namin për Perëndinë.

Ja ta shikojmë në lidhje me Jozueun:

Jozueu 10:7-8 *"Kështu Jozueu u ngjiti në Gilgal, ai vetë me gjithë luftëtarët, të gjithë luftëtarë trima. Zoti i tha Jozueut: "Mos ki frikë nga ata, sepse i*

kam lënë në duart e tua; asnjë prej tyre nuk do të jetë në gjendje të të rezistojë”.

Në këtë varg Perëndia flet në kohën e tashme, Unë i kam lënë në duart e tua. Por, beteja nuk kishte filluar akoma nga këndvështrimi i Jozueut. Ti i beson një Perëndie të veçantë, dua mos e harrosh këtë varg.

Betejat, sfidat që po kalon ti sot, me Zotin tashmë janë të fituara sepse Jezusi ka fituar mbi to, përpara se të të ndodhnin ty. Po kjo është vetëm diçka e vogël.

Prit, prit se ka gjëra më të mëdha, kjo ishte sa për të të hapur oreksin.

Bibla thotë: **Jozueu 9-11a** *“Kështu Jozueu u lëshua mbi ta papritmas, sepse kishte marshuar tërë natën nga Gilgali. Kështu Zoti i theu para Izraelit, u shkaktoi një disfatë të madhe pranë Gabaonit, i ndoqi nëpër rrugën që ngjitet në Beth - Horon dhe i mundi deri në Azekah dhe Makedah. Ndërsa iknin përpara Izraelit dhe ndodheshin në tatëpjetën e Beth-Horonit, Zoti hodhi kundër tyre nga qielli gurë të mëdhenj...”*

Bibla është e paparë. Kush tha që Bibla është e mërzitshme?! Lexoje se çfarë thotë! Kjo është në Bibël dhe është e rrallë.

11b ... *“Zoti hodhi kundër tyre nga qielli gurë të mëdhenj deri në Azekah, dhe ata vdiqën; ata që vdiqën nga breshëri i gurëve ishin më shumë se ata që bijtë e Izraelit vranë me shpatë.”*

Perëndia me favorin që të jep një moment, mund të jetë me shumë sesa ç’mund të bëjmë ne me forcat tona gjithë jetën.

Vargu 12 mua ma heq trurin sa herë e lexoj. Ky është vargu që më bën të ëndërroj pa limit. Dhe lutja që bëj për ju sot është që ju të nxiteni të kërkonit mrekulli nga Perëndia për veten tuaj, për familjet tuaja, për kishën tuaj. Lutem që secili prej nesh do e përjetojë **Jozueun 10:12** në forma të ndryshme në jetën e tij/saj.

“Ditën që Zoti i dorëzoi Amorejtë në duart e bijve të Izraelit, Jozueu i foli Zotit dhe në prani të Izraelit tha...” Dhe ja ky është vargu i madh! *“O Diell, ndalu mbi Gabaonin, dhe ti, hënë, në luginën e Ajalonit!”*

Janë vetëm 12 fjalë por patën pasoja kozmike. Nuk ishte lutje e gjatë, po shiko se çfarë bëri Perëndia kur ky burrë u lut me besim.

Jozueu u lut, **10:13-14** *Kështu dielli u ndal dhe hëna qëndroi në vend deri sa mbaroi hakmarrja e popullit kundër armiqve të tij. A nuk është shkruar kjo në librin e të Drejtit?*

Kështu dielli u ndal në mes të qiellit dhe nuk u nxitua të perëndojë pothuajse një ditë të tërë. Dhe nuk pati kurrë, as më parë dhe as më vonë, një ditë si ajo kur Zoti plotësoi dëshirën e zërit të një njeriu, pse Zoti luftoi për Izraelin.”

Unë besoj që i njëjti Perëndi që e ndaloi diellin për Jozueun, ishte i njëjti Perëndi që ishte i aftë të ringjallte Birin e Tij nga vdekja. Është i njëjti Perëndi që do ta tregojë veten e Tij se kush është tek çdo person dhe kudo në botë.

Unë besoj:

Ajo që i ndodhi Jozueut atë ditë, gjëra të tilla ndodhin përditë nëpër botë, aty ku çdo besimtar i Jezus Krishtit ka guximin të thotë:

- *“Perëndi, unë dua ta jetoj jetën time në atë mënyrë saqë të kuptohet qartë që Ti je duke luftuar për mua.” Jozueu 10:14*

Dua shumë që njerëzit të thonë për ne, *Me siguri që Zoti po lufton për (vendos emrin tënd dhe të bashkëshortes).*

Unë dua shumë që Perëndia të bëjë gjëra të mëdha në jetën time, familjen time, në këtë kishë. Por jo vetëm kaq, dua dhe besoj të njëjtën gjë në jetën e secilit prej jush.

Të jetë e tillë në jetën e secilit prej jush saqë kur njerëzit të shikojnë jetën tënde dhe të bëjnë llogarinë të mos u dalë llogaria dhe të thonë:

“ Kjo që po i ndodh atij është vetëm prej Perëndisë sepse nuk ka shpjegim tjetër për gjërat e mbinatyrshe që po i ndodhin atij në jetë.”

Dhe e di se përse e ndajmë me qejf këtë mesazh, sepse e kemi parë “diellin të ndalojë”. Jo fizikisht, por në mënyrat sesi ka filluar kisha, (shoto dëshmi të kishës)

_____ dhe sesi po vazhdojnë. Është mrekulli nga Perëndia çdo ditë. Ndoshta ti mund të jesh sheptik për këtë gjë dhe mund të thuash që:

- *A ka mundësi t'i ndodhin dikujt gjëra të tilla?*

Nëse do, unë mund të jap detaje nga jeta jonë dhe sesi kanë ecur gjërat deri më sot. E kemi parë “diellin të ndalojë”, madje e kemi parë herë pas here.

Tani, ndonjë prej jush mund të thotë:

- Shiko, mund të jetë e kollajtë për ty, ose për drejtuesit e kishave që “dielli të ndalojë” kurse për mua, nuk mendoj që është e mundur. Ishte e mundur për Jozueun që dielli të ndalonte ose që muret e Jerikos të shembeshin por jo për mua. Ai ishte drejtues, unë s’jam.

Por ajo që dua të them, është se “dielli mund të ndalojë” edhe për ata që janë akoma në shkollë, për ata që sapo janë lidhur apo sapo të martuar. Dielli mund të ndalojë edhe për beqarët apo dhe për ata që kanë disa vite të martuar.

Duam t’ju nxisim secilin të besoni te pamundurën. Sepse Fjala e Perëndisë thotë se Ai është në gjendje të bëjë shumë më shumë sesa i kërkojmë ose imagjinojmë. **Efesianët 3:20**

Çfarë ke mësuar ti për Perëndinë? Nëse nevoja jote është madhe dhe ti s’ia del dot, ajo gjë e madhe nuk është e tillë për Perëndinë. Ndoshta ti je në një situatë të tillë sot ku thua: Kjo mrekulli mund të ndodhë vetëm nëse Perëndia bën diçka!

Nëse po, atëherë je fiks aty ku duhet të jesh, po bën gjënë e duhur duke ia sjellë Perëndisë atë gjë të pamundur. Sepse Ai është i specializuar në këto gjëra, të bëjë të pamunduraturat të mundura.

Prit të them diçka për Jozueun në këtë kontekst ku është ai tani. Në fakt, Jozueu e ka futur vetë, veten në telashe. Jozueu bëri një gabim. Ai bëri një aleancë me disa njerëz që Perëndia i kishte thënë që t’i shkatërronte. Dhe tani kishte nevojë që Perëndia ta nxirrte atë nga kjo situatë ku e kishte futur vetë veten.

A ke qenë në një situatë ku kishe ose ke nevojë për Perëndinë që të nxjerr nga rrëmuja që e ke bërë vetë me duart e tua?

- *Zot, kam hyrë në borxhe dhe po stresohem përditë, në këtë situatë që jam nuk ndihmoj dot asnjëri sepse jam në pikë të hallit për vete.*
- *Zot, u lidha me atë gocën/çunin po me duket ia futa vetes.” (Mos e shiko atë gocën/çunin nëse është këtu tani. Mbajti sytë përpara.)*
- *Zot, martesë ime nuk po shkon mirë...të lutem bekoje, na ndihmo të kemi më shumë harmoni në familje.*
- *Zot, ma sjellin në majë të hundës fëmijët...më ndihmo të jem prindi i mirë.*
- *Zot, kam qenë shumë i dhënë pas lekut por tani që i humba të gjitha po e kuptoj që leku nuk qenka gjeja më e rëndësishme në jetë.*
- *Zot, ia kam varur shkollës gjithë vitit, dhe tani se di a do i marr të gjitha provimet.*
- *Zot, më duhet një mundësi tjetër, sepse ai çuni/goca ishte koti fare. Më mirë që iku, por s’po gjej një tjetër të saktë.*

Pra, nëse je në një situatë të ngjashme, ku të duhet ndihma e Perëndisë për të dalë nga aty dhe për të filluar diçka të re, atëherë ti e kupton shumë mirë Jozueun. Sepse Perëndia është në gjendje që t’i kthejë gabimet e tua në mrekulli.

Për ta kuptuar më mirë kontekstin e Jozueut duhet të shikosh te **kapitulli 9**.

Aty Jozueu edhe pse me ushtri më të vogël, beson që Zoti do jetë në anën e tij. Dhe ndërsa po fitonte luftën, dielli po perëndonte dhe akoma nuk i kishte mundur armiqtë. Jozueut i janë kujtuar premtimet e Perëndisë, që asnjë nga armiqtë e tij nuk do fitonte para tij dhe se ai do e pushtonte të gjithë tokën e premtuar. Në këto momente, Jozueu bën një lutje që se kishte bërë kurrë më parë. Dhe ai lutet në prani të gjithë popullit.

Po të kisha qenë unë, do e kisha pëshpërit atë lutjen, që as vetë mos ta kisha dëgjuar mirë. Sepse s’ishte vetëm ai dhe Zoti por ishte ai, Zoti dhe i gjithë kombi i Izraelit.

Lutja, *“Zot, ndale diellin, dhe dielli ndalo!”*. Perëndia përgjigjet ashtu siç u lut.

E di se çfarë më pëlqen më shumë te kjo mrekulli. A e di se nga ana shkencore, kjo ishte lutje e gabuar? Sepse toka rrotullohet rreth diellit dhe jo e kundërta. Jozueu as këtë lutje nuk e tha siç duhet. Por me aq sa i besonte Perëndisë, me aq besim e bëri këtë lutje, sa edhe Perëndisë i pëlqeu, sepse iu përgjigj lutjes.

Më dëgjoni, Perëndia nuk ofendohet nga lutjet e mëdha, por nga lutjet e vogla. Perëndia nuk zihet ngushtë nga lutjet tona të mëdha.

Ne lutemi shumicën e herëve me lutje koti. A ke bërë ti ndonjëherë lutje koti? Lutje te tilla si:

- *“Zot, vetëm ji me mua sot, kaq dua nga ti.”* Dëgjo, dhe kjo lutje e mirë është por Zoti, është me ty, lutesh apo nuk lutesh ti. Zoti do të thoshte:

“Pse vetëm kaq ke nevojë ti për sot? Le që unë s’kam ndonjë plan për të ikur larg teje edhe po të duash ti.”

Zoti mbushi tokën dhe qiejt. Nuk ka hapësirë apo vend bosh, vakum pa praninë e Zotit.

Zoti nuk e ndaloj diellin për Jozueun sepse Ai tha vetëm, *“Zot, ji me mua sot,”* apo, *“Zot si të duash, nëse je me orë të mira sot bëj ndonjë gjë”*.

Jooooo, lutja e Jozuet ishte e guximshme.

ZOT UNË DI CILAT JANË PREMTIMET E TUA, E DI QE S’KA NJERI NË BOTË QË MUND TË NDALOJË NJERËZIT E TU. Prandaj unë të lutem sot, sipas premtimeve të Tua që Ti m’i bërë.

Kur lutesh, lutu sipas premtimeve të Perëndisë *“Zot, ti vetë ke thënë në Bibël që...”* Jozueu e dinte që këtë lutje vetëm Perëndia mund ta plotësonte.

Po tani, a je ti aq i guximshëm sa që ti hedhesh një sy zemrës tënde, apo të sjellësh ndërmend punën, shkollën, financat, lidhjen, dhe ti thuash Perëndisë:

- *Perëndi, të lutem ty, sepse vetëm Ti mund ta bësh këtë gjë. Të lutem bëj _____ në jetën time!*

Nëse po fillon diçka e re, apo po lutesh “*unë të kërkoj o Perëndi bëj _____ në jetën time!*”

Me dëgjo, nëse ti nuk po i beson Perëndisë për gjëra të mëdha, ka mundësi që Perëndia në mendjen tënde është në përmasa të vogla. Sepse lutjet tona reflektojnë besimin që ti ke te Perëndia, besimin tek aftësitë, mundësitë, kapacitetin dhe natyrën e Perëndisë.

Perëndia nuk ofendohet kur bëjmë lutje të mëdha, por kur e zvogëlojmë atë dhe bëjmë lutje të vogla apo nuk lutemi fare.

Tani mendo:

- Cila është ajo lutje e madhe që ti duhet të lutesh sot?
- Cila është lutja jote e madhe? Çfarë është ajo gjë në jetën tënde që vetëm Perëndia mund ta bëjë?
- A do kesh aq guxim sot sa ta bësh atë lutje?

Ishin vetëm 12 fjalë por ndikuan të gjithë kozmosin!

Tani, ne nuk mund të abuzojmë me këtë dhe të lutemi pa lidhje. Bibla thotë nëse kërkojmë sipas vullnetit të Tij atëherë Perëndia na dëgjon dhe përgjigjet. Nuk po them që të merrni kot tani dhe të filloni të orientoni yjet dhe hënën, ulu pak, ngrihu edhe ca.

Ajo që besoj, dhe e besoj fort, është se kjo që ke dëgjuar sot të ka trazuar zemrën mjaftueshëm sa të fillosh të bësh lutje të mëdha. Se gjëra të mëdha do ndodhin në këtë vend nëpërmjet teje.

Mund ta shikosh Shqipërinë me dy palë syze, mund ta shikosh me syrin negativ, “*ky vend s’bëhet më, mezi po pres të më dalë lotaria amerikane, mezi po pres të mbaroj shkollën e të iki, mezi po pres të lidhem me ndonjë çun/gocë të huaj dhe të iki*”.

Ose mund ta shikosh me syrin e mundësive, *“ky vend nuk ka këtë por, këtë mund ta bëj unë, atë tjetrën mund ta bëjë ky tjetri, këtë tjetrën e bën ky, ajo.”*

Me cilin sy do e shikosh, me atë me xham apo pa xham, (shaka).
Si do e shikosh këtë vend? Vend i fikur, apo vend i mundësive të reja?
Ne e kemi ndarë mendjen të jetojmë dhe investojmë jetën në Shqipëri, sepse shikojmë sesa mundësi të mëdha ka që mund të na përdorë Perëndia.

Unë dua të të kujtoj që Perëndia akoma edhe sot është i aftë **“ ta ndalojë diellin”** për ty .

Dhe një gjë që dua të mos e nënvlerësoni është se, Zoti e ndaloi me të vërtetë diellin, por betejën duhet ta luftonte dhe ta fitonte Jozueu. Bibla thotë, që Jozueu jo vetëm që u lut:

- Diell ndalo! Por ishte i gatshëm për të luftuar në betejë deri në fund.

Më dëgjo, nëse ti u lute tani ose do lutesh më vonë në lutje me **“Ndalim Dielli”** dua të jesh gati për të luftuar në betejë gjithashtu. Sepse Perëndia gjithmonë e lidh besimin me veprimet tona.

Perëndia i ka premtuar këto gjëra që ju thashë në fjalën e Tij. Besoj që Perëndia ju ka sjellë këtu sot, sepse Ai do që secili prej jush të bëjë lutje të tilla me **“Ndalim Dielli”**.

(Lutje për të gjithë, sfidoji për t’u lutur me lutje “Ndalim Dielli” .)

Zot na trazo, na sfido për gjëra të mëdha.

Lutu tani, shkruaje në bllok, shkruaje në celular, bëje status në facebook, mos e lër pa bërë atë lutje të madhe.

Gjërat e mëdha vijnë hap pas hapi, por hapi i parë është lutja me besim!